

- 1- تابع، الحاجة أو الواحد اللي جا من بعد : **خلى الملف الأول** وبدا **كا يخدم في التالي**.
2- الأخير، اللي محتل آخر بلاصة في الترتيب : **جاء بكري** حيث ما **بغى شئ يبقى هو التالي**. (مثل) لا والي ولا **تالي**.

خدمة كثيرة أو صعبية : **الخدمة في الفلاحة فيها تامارة بزاف**.

حرفة السرقة، الشفرة : **كثرت تامخارت في الحي**.

إظهار التدين بالإسلام : **تامسليت** دياله ما غادي شئ تخدعنا.

حرفة النجار : **تانجارت** ولت حرفة عصرية.

تلف، تودر، مشى بلا هدف : **ملي طاح الظلام تاه** على الدار.
مجدوب تاه في أرض الله.

تشطّر، ناقش الثمن ديال شي حاجة : **ما كا يشري شي حاجة حتى كا يتاوى مع مولاهما**.

نظام وحسن التدبير ديال الأشياء : **امراة معروفة بالتاويل والنظام**.

اللي تاب ورجع على شي ذنب أو عادة قبيحة : **رجل تايب** لله، **بعد على المعاصي**.

الشخص اللي تاق، صدق شي واحد أو شي حاجة : **كان تايق** في ولده قبل ما يخدعه. **ما بقى تايق** في حتى واحد.

اللي تاه أو تلف : **تلف على اصحابه وبقى تايه** في السوق.

طلب بركة الله فشي حاجة وطلب يحميها من العين.
تبارك الله، عبارة الاستحسان : **ملي كا يشوف شي حاجة زوينة كا يقول "تبارك الله"**.

تمّ ووقع البيع دياله : **قصر اتباع** بمبلغ خيالي. (مثل) **الزهر عند العطار تا يتباع** بالقطار. (مثل) **كبر خبزك يتباع**.

إصدار صوت فيه البحة، تبحيحة : **ملي كا يغوت بزاف كا يجيه التبحيح**.

تملّق باش يوصل لشي غرض : **تبحس** عليه وادا منه الفلوس.

تملّق باش الواحد يحصل على شي حاجة أو يوصل لها : فيه **التبليس بزاف**.

طيباب الماكلة بالبخار، تفوار : **مطعم معروف بتبخار** الماكلة.

تحول من سائل لبخار : **الما كا يتبختر** بفعل الحرارة.
طاب بالبخار : **ملي كا تبخر** الخضرة كا تحافظ على الفتامينات ديالها.

مشى بغرور : **الطاوس كا يتبختر** في الجنان.

تغيير شي واحد أو شي حاجة بأخرى، تبديل : **تبدال** الحوايج. **تبدال** الأصحاب بلا قياس مؤشّر على صعوبة ربط علاقات اجتماعية. (مثل) **تبدال** المنازل راحة.

- 1- **تغيّر**، ما بقى شئ على حالته الأولى : **مع الوقت تبدّل** اللون ديال الفميجة. **ملي رجع مدير تبدلت** المعاملة دياله.
2- **تعوّض** شي واحد باخر : **تبدلت** السياسة اللي كانت خاسرة. **تبدّل** المدير. (مثل) **ما تبدّل** صاحبك غير بما كفس

ك

ك

ح / الحرف اثنى عشر من الحروف العربية.

كا

ح / أداة كا تستعمل للتعبير على حدث وفعل كا يجرى في الحاضر المستمر. كا تتعوض في بعض المناطق ب تا (تا يكتب) : **كا يمشي في الطريق. كا يشري الحوايج.**

كابلي

س / (كابليات) (فر) خيط من المعدن (حديد، نحاس) أو من الكاوتشو : **حصه كابلي طويل** باش يدوز الضو.

كابوس



س / (كوابس) سلاح ناري، فردي (حقيقي أو لعبة) : البوليس **مسلح بالكابوس.** شري **كابوس** لولده في عاشورا.

كابين

س / (فر) محل صغير غالبا للاستعمال الشخصي : **تكلّم مع صاحبه من الكابين** ديال التلفون. **قيس الحوايج في الكابين** ديال الإسيجاج.

كابينة

س / (كابينات/ كوابن) مرحاض، بيت الماء، دار الوضو : **فاش بنى داره دار كابينة في كل** طابق.

كاتب

س / (كاتبة/ كاتبات/ كُتاب) شخص كا يآلف أو كا يكتب (روايات، قصص، عقود) : **عابد الجابري كاتب** وفيلسوف مغربي.

كاتكات

س / (كاتكاتات) (فر) سيارة رباعية الدفع : شري **كاتكات** أمريكية الصنع.

كاجو

س / (كاجوات) (فر)

طيور



بلارج



ببّغيو



باز



حمامة




حجلّ



هزار



غراب



طاووس



سمّان



نسر



موكة، بومة



كناري



صرد

/ف

ارسل، سيفط : **صرد** الفلوس لوالديه مع البريد.

صرف

/س

- 1- فلوس: خلّص وبقي كاي تسنى **الصرف**. ما عنده شئ **الصرف** ديال مية درهم.
- 2- تحويل عملة لعملة أخرى: **الصرف** تقام عليه غالي في البنك.
- 3- (مج) التعامل مع الناس : **الصرف** دياله خايب. منين اتعتت له **الفرصة** رد له **الصرف** قدام اصحابه.

صرفق

/ف

طرش، ضرب للوجه : **صرفقه** وختّى له أمارة اصباعه في وجهه.

اصطاد

/ف

صيّد حيوان برّي أو حوت ← صيّد : **اصطاد** الحجل في موسم الصيد.

صعب

/ف

عكس سهّل، ردّ شي حاجة ما شي في المتناول ديال الآخرين : **الاستاذ** **صعب** الامتحان على الطلبة.

صعب

ص/ (صعبية/ صعبيات/ صعاب)

ما شي ساهل : الامتحان ديال هذ العام كان **صعب** بزاف. (مثل) العين **صعبية**، كا تقتل الكسبية وتخوي الزريبة.

صغر

/ف

- 1- رجّع الحجم ديال شي حاجة أو شي واحد صغير : **صغّر** اللقمة باش يعطيها للولد الصغير.
- 2- (مج) قلّل من القيمة ديال شي واحد : حاول **يصغّر** من القيمة ديال الخصم دياله قدام الناس.

صغّر

/س

عكس الكبر، وقت الطفولة : عاش في **صغره** في ظروف صعبية. (مثل) اخدم يا **صغري** على كبري.

صغير

ص/ (صغيرة/ صغيرات/ صغار)

عكس كبير : **الصغير** كا يوقّر الكبير. (مثل) **صغير** بنفسه احسن من كبير بفلوسه. (مثل) **صغير** على فمّ السبع وكبير على فمّ الضبع.

صفي

/ف

رجع صافي، ما فيه لا وسخ ولا شوائب : **صفي** ليه وجهه من الحبوب. **صفي** الما من بعد ما كان مخلوض.